

Malûm-u valâları olduğu üzere şu içinde bulunduğumuz vakt-ü zaman maarif-i maddiye cihetiyle tefavvuk nûma-i âsar-ı eslâf olduğu müstağni-i delil ü burhan ise de cemiyet-i insaniyenin asıl mâye-i kıvam ve devamı ve medar-ı emn-ü emânî olan âdâb ve ahlâk-ı umumiyeye ve fâki çendan atf-ı enzar-ı dikkat ve ihtimam olunmamakta olmasının netayic-i vahimesinden olmak üzere gûruh-u faale ve amelenin sermaye ve maldârân ile servet ü fevaidçe tesavisi zımında enval-i mevcudeyi mukaseme eylemek ve belki hükm-ü hükûmetçe anlarla müşterek olmak efkâr-ı muzîresi bin sekiz yüz altmış ve altmış bir tarihlerinde serber <sup>averde</sup> -ü evrede-i âlem <sup>i kev ü</sup> gün ve fesat olarak şu dokuz on sene zarfında manendül ervah-ı habîse Avrupanın her tarafına carî ve sarî olmuş ve bu efkâr eshabından tereküp ve teşekkül eden cemiyet-i cesimeye Enternasyonel nâmı verilmiş ve Londra'da bir merkez ve Amerikâda kâin Nevyork şehriyle İsviçrede şubeler peyda ederek bunun âzâ ve efradı ve sermayesi hayliden hayli taaddüt ve tekessür etmiş olup nezd-i hakayikî aşnâyi vezirânelerinde muhtac-ı tavzih ve beyan olmadığı vechile bu kargâh-ı âlemin kanun-u bedi-ü halk ve tertibine muhalif olan işbu efkâr-ı vehamet-i asarın hüdanekerde <sup>hazir-1</sup> husule vûsulü enva-i ihtilâlât ve ihtifalâtın tahaddüs ve tekevvününü icap eyleyeceğinden ve bunlara hemefkâr olan Komün takımının Paris şehri şehîrini giriftar eyledikleri hâl-i mesaip iştimal dahi meydanda olduğundan maada cemiyet-i beşeriyeyi bir hâl-i vahşet ve behimete irca ve idhal eylemek adeta haydutluk fiil-i fâsihini bir kaide ve tertip altına alarak <sup>ebb</sup> eylemek demek olmakla ve bu heyet-i muzıranın daire-i mefsedetini memalik-i mahruse-i şahaneye kadar tevsie çalışması baid-i an-ilihtimal olmamakla eğerçi bu taraf ahâlisinin emzice ve ahlâk-ı umumiyelerine nazar-ı efkâr-ı meşruhanın buraca Avrupa'daki gibi tesirat-ı seria ve kaviyesi olamayacağı memûl ise de maamafih bunun hudud-u memleket-i fesiha-i Osmaniyenin içerisine hulûl ve duhûl edememesi esbabının istihsali ve bu fikr-i fâsid erbabının terviç-i makasid ve amal etmelerine kat'â fırsat ve ruhsat bulma/ma/ları için <sup>tekyi</sup> takyidat-ı lâzımının icrası müttehattım-ı zimmet-i hükûmet olduğuna ve keyfiyeti vilâyat-ı saireye de bildirilmiş idüğüne bina <sup>en</sup> bu babta taraf-ı devletlerine <sup>ce</sup> dahi icap edenlere ita-i vesâya ve talimât buyurulması tavsiyesiyle sukka-i mahsusa-i senaverî terkim olundu efendim.